



Kabarett „Sachsenmeyer & Co.“
09224 Chemnitz
Feenweg 11

Hauptspielstätte:
Kabarett-Kiste (im Hedwigshof)
An der Markthalle 8
09111 Chemnitz

Bestell-Telefon: 0371 - 694 77 11
www.sachsenmeyer-kabarett.de
e-Mail: sachsenmeyer@t-online.de

13. Kalenderwoche – ab 28. März 2010

Vorsichd beim Einschdeischn!

von Eduard

Sachsenmeyer

Ob Audo, Börse odor Karnewall -
einschdeischn sollde man off jedn Fall,
weil leischd mor ins Vordärben rennd,
nur da, wo man dähn Ausgang kennd.

De Deudsche Bahn wird ofd geschmähd -
besondorsch, wens nisch vorwärts gehd,
weil Neischedeschnig sisch nisch neigd
und / odor dor Loggfiehror schdreigd.

Jedoch de Bahn gibd ihrorseids -
un zwahr von vornerein bereids ! -
Gewissheid. was de Reise dann
disch allorheeschdens kosdn kann.

Dor Kurs, off dähm mor sisch beweschd,
dähr is dursch Schienen fesdgeleschd,
wobei im Nodfall so am Schluss
mor ma off Anschluss wardn muss.

Un fährt mor ausvorsähn zu weid,
gibbds eene Ausschiedesmeeschlichkeid
schon bei dor näschsdn Haldschdadsjohn.
Ooch das schdehd fesd im Voraus schon!

Nu reimd sisch zwahr off Deudsche Bahn
besondorsch gud Afghanisdhan,
doch da beschdehd, nimmd morsch gonggrähd

nur wenisch Barallehlidähd.

Denn währ dord einschdeischd ohne Nod,
wird von dähn Dallibahn bedrohd.
Mor kennd ooch nisch dähn ganzn Breis -
un keenor weeiß, was soll der Scheiß?

Drum schdeggd beim Einschdiesch von Beginn
dor Keim vom beesn Ende drinn.
Un schbähdor mergd mor dann, oh Graus:
Mor kommd vorlusdfrei nisch mähr raus!

Mor solde drum Afghanisdahn
ma reimen off: Was gehds uns an?!
Mir grischn Hasch un Häroihn
un annorn Schdoff ooch in Bährlin!

Eduard Sachsenmeyer